

文苑英華卷第四百六十一

翰林制詔四十三

詔制三

巡撫使

遣巡撫使勅

賈至



勅厄運者天地

地一無

之時也理亂者人君

君一無

之政也是

以軒轅不能止蚩尤之患帝舜不能無有苗之征蓋在於

人君脩德刑以除之也頃者羯賊開釁亂常干紀誘脅戎

卒竊弄邊兵九有之人惟其凶害當戰爭之地則肌膚多

斃於鋒鏑在遐僻之方則杼軸其空於征賦離鄉去邑棄

業拋

一作亡

家契闊凍餒飄飄畏逼朕每求念心折涕零是

用嚴奉睿謨恭行天罰躬被介冑大率戎夷掃清中原誅

斬蛇豕豈朕薄德能建功業蓋人心竭節於本朝而戮力於寇難也所以給其優復減其賦稅省其聚歛息其征徭賑其匱乏宥其罪戾實其倉廩捨其逋懸養其傷痍賙其死事將使萬一作百姓永登仁壽猶慮撫字尚闕疾苦未除於是分遣使臣親訪問里夫人君高居大位非可以目偏四海耳周八極必仗賢能以廣其視聽而一作頃未稱職多僂俛經一作輕畧未盡至公致一作遂令遠人寬不上達而弊不下去今擇朝端忠貞仁惠之士飲冰乘驛巡撫四方其有政教煩苛勅令不便妨於耕稼害於蠶桑徵須於人無踰論小大咨爾兆庶必聞於使又有官吏邪虐豪猾侵漁擾於黎甿冒於貨賄上無隱也當悉懲之朕方以

萬一作百姓心為心蒼生壽為壽自欲獨賢自聖而為理捨

暴惠姦而墮人率土之濱宜知一作悉朕意至德七年二月日

一作皆唐大詔令

### 宣撫使

發宣撫使勅此篇已見四百四十卷題作嗣聖德音詔令作遣畢構等慰撫諸道制

內制

勅昔者前篇作門下風化前篇詔令並純作風咸知前篇又之模詔令作庶

前篇作士庶所冀前篇詔令並作冀逮遐曠詔令作禍起前篇詔

起夜懷詔令作疾事識見前篇作嘉聲前篇作泊于前篇詔令

各恭前篇詔令並作各敬

### 遣宣撫使勅

內制

文苑英華卷一百一十四

勅為國之道莫不家給人足令行禁止而族譚者苦疆場之戍役偶語者傷戶口之凋殘且夫懷土重遷人之常性離邦去里孰無其情或委非其才或改非其要致令父不保子兄不寧第井邑有流離之怨道路有吁嗟之聲靖言思之良可歎息故發使車以巡郡縣其緣邊兵士等或遠辭鄉壤久事戎旃饑寒而食衣不克疾病而醫藥不至邊烽忽警將何以堪云

宣慰使

出使優恤制

詔令作遣使何此河南觀察利害詔

內制

勅伊昔明王奉若天道所實惟穀所尚詔令作仗惟賢設能務勸分興利除害朕以薄德纂成洪緒政期克已誠不勅

天頃歲河南北諸州蝗虫為害雖當道常遣除瘞恐今仍生育天戒若是朕甚懼焉罪實在予殃豈移歲且牧宰之任朝廷所委苟得良才式敷惠訓古有壽張飛逝中牟不入者斯其効也刺史縣令等當各竭乃心用攘厥患方考休咎大明黜陟惟爾凡百可不勉歟宜令戶部郎中蔡秦客往河北道侍御史崔希喬往河南道觀察百姓間利害便宜州縣等籌度隨事處置還日奏聞開元五年二月

遣鄭叔清往江淮宣慰勅

制 賈至

勅逆虜未平師旅淹歲軍用匱乏常賦莫克所以稅畝於荆吳校練於淮海從權救弊蓋非獲已夫法明則吏不欺歛均則人不怨輯事無擾繫乎使臣度支員外郎鄭叔清

貞固幹事節用愛人考績視成所厝斯任詔令作考志視成可歷斯任

宜以本官兼侍御史充江淮東西及淮南道宣慰使至德二年

李涵河北宣慰制

常袞

門下河朔一隅地方千里外捍夷狄內輔成周撫勤王之師脩任土之貢顧其方鎮可謂崇重眷我侯伯是有勲勞且將相國之股肱兆庶君之支體事同休戚寧忘鑒寐思撫巡而未獲念征鎮而永懷爰命宗臣往申旨諭銀青光祿大夫尚書左丞襄武縣開國公李涵朕之茂親腹心攸寄純固所以致命文質所以經邦溫恭禮讓誠信易直勵匪躬之節秉憂國之心美其公才嘗所任委再令宣

合事經既述謙誠之辭兼陳理化之績詔令作迹慰我憂念意

甚嘉之今秋冬在候徃戍勤止將校有介胄之勞黎元有

賦稅之役代予親問詔爾使臣仍兼副相之秩詔令作榮式重

登車之務可兼御史大夫充河北宣慰使本管勲封如故

李涵再使河北制

前人

勅書有施命以誥四方禮有誦志以巡邦國明王所以垂

拱而天下理者非家至而日見之也實賴腹心耳目之臣

審訓命於外俾德澤教化敷於四海情有所達事適其宜

上下交暢則天地之和應矣喻我朝旨寄於宗英銀青光

祿大夫行尚書兵部侍郎襄武縣開國公李涵志以定言

學于古訓安和好敬慎靜尚寬服居大僚常所親信每授

重寄必揚休聲往以幽燕詔令渤碣之間戎府方州之大

俾輔詔令王命以親諸候至於再三秉此純一盡人臣之

節罔或辭難徇國家之利豈憚勤遠信以協誠惠以交福

周爰咨度不遑啓處朔陞寧晏敬賴親賢今以候伯之勲

勞師人之戍守顧其忠効宜在詔令撫巡高選中朝允茲

僉論詔令加以丞相之副增其原隰之華時惟懋哉無替

厥服可兼御史大夫河北宣慰使餘如故

臧希讓使朔方制

前人

勅元帥都虞候臧希讓冲明在躬質重成性閱禮樂以經

武秉公忠而濟時夙傳金匱之符久摠牙璋之律勲高坐

樹業茂分棗中外洽其嘉聲始終全其勁節嘉乃公

于朕心惟彼朔方久罹邊患地即興王之所人推奉上之

誠言念勤勞豈忘慰恤宜應使乎之選式副往哉之寄

温造可起居舍人充鎮州四面宣慰使制

白居易

勅殿中侍御史温造嘗糾天府不曠官馳輶車不辱命况

為人外和內决以兼濟為心持橐亦作殿中以備指使會

吾憂兩河間事求可以諭朝吉慰人心者使焉撥効酌能

汝中吾選故不待滿歲擢為右史出則銜吾命入則記吾

言獎任不輕思有所立可依前件

授劉沔招撫迴鶻制

李德裕

昔東漢中夏既寧匈奴饑饉滅宮請命將臨塞圖刻石之

功光武報云柔能制剛弱能制強且傳聞之事常多失實

雖滅大寇不如息人朕每覽前史為之典歎又以大舜脩

德有苗歸心周穆徂征荒服不至固存取亂在擇良圖廻

鶻頃以本國荐饑種落隳二集作點戛集作斯乘其衰亂遂覆

危巢既焚老上之庭盡剪名王之族可汗失地遠客來附

塞垣朕言念親姻不忘勲力諭以呼韓羨志集作漢氏舊

章戎不亂華國之大典且分兵食救彼饑人令歸漠南方

議贍恤集作贍屬可汗久嬰沉痾酋長異心雖隨畜荐居固

無定所而控弦深入頗已集作渝盟邊將戎集作臣屢控

其集作䟽策慮幅一作臆咸請驅除朕以王者之師以全

取勝匈奴見短嘉婁敬之善籌馬邑設畫集作戒王恢之

無首推誠含垢亦已踰時况朔野沍寒有駮疥之患陰山

遙路多曲折之艱宜以德綏豈勞兵瘁其官劉沔久臨沙

漠頗識虜情既啓十乘之行必致六羸之遁委之告喻方

俟成功可守本官兼充招撫廻鶻使如不自改悔終須驅

逐其諸道行營兵馬使權令指揮主者施行

授張仲武東面招撫廻鶻使制 前人

門下古人云兵者所以明德除害也故舉得其集作外則

福生於內朕每念戎事務安生靈既獲遠圖宜恢長筭廻

鶻可汗寄託塞上未歸虜庭近者遣使薊門懇陳誠款宋

人病告於子又朝鮮心附於樓船我之信臣實得要領幽

州盧龍節度副大使知節度事觀察處置押奚契丹兩番

州盧龍節度副大使知節度事觀察處置押奚契丹兩番

州盧龍節度副大使知節度事觀察處置押奚契丹兩番

經畧盧龍軍等使銀青光祿大夫檢校工部尚書兼幽州  
 大都督府長史御史大夫蘭陵郡王食邑三千戶張仲武  
 風雲感契鳧藻協誠自升將壇集作首剪狂寇戈鋌亟聞  
 於彗掃馬牛殆至於谷量故能望影揣情已探致虜之術  
 豈止聞風破膽益堅慕義之心遽奏封章願申告諭彼既  
 率服寧忘懷柔况虜騎往來疾於風雷集作電沙場憂逸介  
 但集作以山川臨敵應機固難統一昔衛霍之襲鞏允異道  
 而征辛趙之擊罕集作當羌兩從其志成予廟勝之策在舉  
 髦傑之臣俾爾膺揚挫其很顧將服蠻夷之叛固在七擒  
 勉思將帥之風無忘五利崇以夏官之秩委其統制之權  
 當竭一心敬茲休命可檢校兵部尚書兼充東面招撫使

使其當道行營兵馬及奚契丹室韋等並自指揮餘如  
 故主者施行

巡察使

遣陸象先等依前按察制

蘇頌

黃門古者協和萬邦疇咨四岳柔遠能邇明目達聰以變  
 於人也自朴散醇醜割方肆直失於德者格之以禮失於  
 禮者助之以刑故懼羅網而畏簡書必振其綱而操其柄  
 庶乎舉二字詔政之要也間歲天下諸州岳牧先充本道  
 按察誠以今之刺舉昔之率連盖欲為吏之黜陟審人之  
 愁苦中念作姦犯科獲罪相次棄木或尤於拙匠採封不  
 以於下體由是申命有司咸多叙用至於按察暫令休罷

夫泉有魚矣雖見則不祥林有獸焉而為之不採與其存而勿用孰若狎以玩之俾便於時復脩其政銀青光祿大夫益州大都督府長史姚嵩處置兵馬上柱國交國公陸象先等早蘊宏量深甄大體清能勵俗仁以敦風必將權豪檢御昭明淑慝宜興化以樹善佇責成而求當可依前件餘各如故一事已上並准舊例處分本道所隸之州有偏遠不穩便者仍令所司量宜分割永為定額訖奏聞主者施行

開元二年三月七日

遣王志愔等各巡察本管內制 前人

黃門上天降禍大行太上皇厭代升遐俾予一人笑笑在茲攀號荼毒觸何摧墮百辟卿士等上遵遺誥下徇群心

案區任殷社稷務重資於聽斷不可暫缺遂力衰迷甫從勤請恭惟顧託之旨思致平和之化雖在荒瘵敢忘負荷是用泣血撫膺執喪視事夫後王者代天理物師表者助朕理人物之所以茂育人之所以蕃庶蓋欲遂其性而安其業也朕每置旌進善仄席翹賢恐閭閻有愁苦之聲草澤無明敷之舉吏或慢法官或非才因疑之致理且未為

得其何以庶庶

詔令作敗

政恤寃刑問惇嫠招茂異寬賦歛節

征詔令

徭使天下為無為事無事也頃分連率則曰使臣

將求人瘼克宣朕命諸道按察使揚州長史王志愔廣州

都督宋璟益州長史蕭杭博州都督

詔令作蒲州刺史

程行誡汴

州刺史倪若水魏州刺史楊茂謙

詔令作魏州刺史

靈州都督強循潤



州刺史李瀆荊州長史任昭理秦州都督張嘉貞洪州都督揚虛受梁州都督張守素等並邁迹垂憲儒才通識有其直方無所迴避宜令各巡本管內官人有清介獨立可以標映士林或文吏兼優可以潤益邦政者百姓中有文儒異等道極專門或武力超倫聲侔敵國者並精加訪擇具以名聞其官人有老弱及久病妨於政理并才用劣下全不稱職者上佐已下委使人便停務其官交要者便簡清勤人權攝其京官及畿內州委御史大夫及吏部長官准此詳察錄奏諸道僻遠州及嶺南道委使人量差判官分道巡按其天下囚徒慮有寃滯宜令大理寺及本巡使所在按理流罪已詔令作以下非犯名教及官典取受並聽減

一等收贖即便非理均事可疑者并杖以下罪並宜放免

緣山陵所科夫匠等有父母年老家無中男已上者容其

侍養不須差遣其河南河北遭蝗虫州十分損二已上者

差科雜役量事矜恤詔令百姓間有不穩便事委按察使

與本州長官商度隨事處分奏聞布告遐邇令知朕意主

者施行開元四年七月六日

按察使制

詔令作遣陶史大夫王俊等巡按諸道制

前人

勅苛慝不作人斯無怨寬猛相濟政是以和周禮以官刑糾邦理以官叙正群吏允迪前烈式惟舊章且夫寰宇至大不可以周覽黎甿至殷不可以獨化熙我庶政寔惟具察苟非其才罔以稱理朕惟夙夜不遑晏寧言念政道載

深宵旰頃開元之初分遣按部糾摘姦犯頗聞懲息以其  
 事久則煩尋亦並從停廢綿以歲月浸成寬弛今聞在外  
 官寮多違憲法牧守則寄任茲重令長則祿秩且優亟聞  
 侵竊屢有章奏雖賜金為惠未媿張武之心而還珠表德  
 罕見子孟嘗之政豈敦論之言未孚於就列將貞高之節有  
 謝於前脩永懷於此良用沉歎且政寬而慢法弊則弛通  
 而張之庶其可理一作可理其致理御史大夫王駿等並識通政要  
 位以才達茂其聲實弘此憲章宜分命巡按以時糾察巡  
 內有長吏貪擾獄訟寃滯暗懦尸祿苛虐在官即宜隨事  
 按舉所犯罪狀並推勘一作勘準格斷覆訖聞奏仍覆一作覆便囚  
 夫牧宰之任一作職教道是先錄曹之職一作任糾綱一作綱

在其有政績一作理殊允清直獨立者咸以薦舉一作名薦餘官

有清白著聞及諸色不善各別為科目同狀奏聞其尋常

平狀並不須通俾夫善取其尤罰無所濫疎而不漏密一作

察不為苛必將正其源流弘彼綱目不可揔此煩碎擾其

吏人應是州縣常務事非損益者使人更不須干預其百

姓交下不支濟應處分訖奏聞一作置事有不便於人須釐

革者與州縣商量處分訖奏聞宜副虛佇之懷以光澄清

之舉其外官充使者至明年冬入朝京官須奏任量事來

去判官任使簡擇各依前件開元八年八月一作皆唐大詔令

校正六十字

十一日抱素書屋閣記

文苑英華卷第四百六十一

文苑英華卷第四百六十一

卷

文苑英華卷第四百六十二

翰林制詔四十三

詔勅四

巡幸

幸新豐及同州勅

蘇頲

勅虞之四朝且編編區寓漢之三輔本同京師善於古者考  
 於今發乎邇者應乎遠若順豫之事缺則紊於王制巡遊  
 之典備則慮於人勞朕受命膺期勵精設教幸乾坤幽贊  
 風雨咸若百物既阜三農已登同穎薦詔令作獻於宗廟魯穗  
 生於郡群國我無大禁實欣於歲取人有小康未果於時邁  
 但左翊之地近入黃圖新豐之邑甫鄰青綺山川宮館咫  
 尺相望欲過灞亭而涉澱音義新曹水名經沙阜而臨渭見彼耆

耄問其疾苦察長吏之政恤黎甿之寃蓋所以展義陳詩  
觀風問俗始自畿甸化于天下宜以今月二十五日幸長  
春宮停五日緣頓所須並令所司支備一事以上不得干  
擾州縣發日唯量將飛騎萬騎行更不須別遣兵馬及妄  
有科喚朕此行之處不得進奉在路有稱寃苦州縣不能  
䟽决者委御史金吾收狀為進各勉所職副朕意焉開元二年  
九月十一日

幸東都制

前人

黃門朕聞遂物之宜上則聽其和樂違人之欲下則生於  
怨思一物安可弗遂萬人安可固違且先王卜征觀乎風  
俗大易順動應乎天地由是巡以五載尚徧於人案設於

詔令

兩京况稱於帝宅東幸西顧乃其常也然朕以行必

清道不為無事至而供帳是則有勞故恤人之隱憂人不  
足于今四年矣遂使東土耆老傾心而後予中朝公卿屢

言以沃朕或謂國之中洛王者上地均諸侯之賦當天

下之樞陸行漕引方舟擊軼費省萬計利踰十倍更知夫便

於物者非自奉以懷安嗟於人者豈不誠詔令而阻作識願於

是乎見品彙之阜因京坻之饒則無奪農矣陳太師之言

獻史臣之頌則無缺政矣信可以備法駕乘陽春歸于成

周布我時令以來年正月五日行幸東都仍取北路所司

準式主者施行開元四年十月三日

幸長安制

前人

門下觀俗省方所以愛人治國尊崇一作宗尊廟貌所以事神

享親欽若昔典此言大哉一作義朕祗膺鴻業積念咸秦去

歲欲幸洛京已發成命旋屬重營太廟一作天室因將中止誠

以其繩則板功且未即展軫効駕信弗可違緣四覲於東

方恒載駝也於西土流譽不駐通喪未畢象君始成如在增

慕朕之前志日夕一作夜匪遑故可以詩陳肅邕禮極禋祀

神明之奧一作與時惟雍州稼穡有年莫若關輔王假用吉

后來其蘇實獲我心俾從人欲可以今年十月取北路幸

長安所司準式務在節省無得勞費主者施行開元六年六月六日

幸西京制

張九齡

勅朕所時邁皆順物情頃屬關輔無年邊爾東幸固非為

已將以息人今百穀既成庶務皆省而五陵所奉誠在京

師安可更留周南有闕時薦宜以來年正月七日取南路

幸西京所司準式應行幸所須務從節減所申明為條例

勿使勞煩

玄宗幸普安郡制

賈至

門下我唐受命百有十載德澤浸於荒裔聲教被於殊鄰

紹三代之統緒綜百王之禮樂我高祖神堯皇帝奄有大

寶應天順人我太宗文武聖皇帝戡難造邦光澤天下我

高宗天皇大帝脩文偃武惠綏四方我中宗孝和皇帝聿

遵孝德惟新其命我睿宗大聖真皇帝清明在躬玄化溥

暢朕承累聖之洪訓荷祖宗之不緒兢兢業業不敢自寧

往歲帝氏作逆宗社將墜是用翼載先後掃盪兇徒宸極  
既真寰區載晏爾來在位垂五十年中原幸無師旅戎狄  
歲來朝貢夙興旰食勤念蒼生庶弘至理未躋仁壽媿無  
帝堯之聖德而有寄體之不明致令賊臣內外爲患蔽朕  
耳目遠朕忠良或竊弄威權或厚歛重賦泉一作壤壤一漏  
成此滔天構逆召戎馳突中夏傾覆我河洛擾亂我崑函  
使衣冠奔走於草莽黎庶狼狽於鋒鏑伊朕薄德不能守  
厥位貽禍海內負茲蒼生是用罪已責躬寤寐戰灼上媿  
乎天地下媿乎庶人外媿乎四夷內媿乎九族乾乾惕厲思  
雪大耻夫定禍亂者必俟於群才理國家者先固其根本  
太子某忠肅恭欬闋禮敦詩好勇多謀加之果斷未王

王琦豐王珙皆孝友謹恪樂善好賢頃在禁中而習政  
事察其圖慮可試艱難夫宮相之才師傅之任必資雅善  
允屬忠貞况四海多虞二京未復今當慎擇實惟其人太  
子某宜充天下兵馬元帥仍都統朔方河東北及平盧等  
節度使與諸路及諸副大使等計會南牧長安洛陽以御  
史中丞裴冕兼左庶子隴西郡公劉秩試守右庶子未王  
鄰宜充山南東道及黔中江南西路節度採訪等使江陵  
大都督如故以少府監竇紹爲之傅以長沙郡太守李峴  
爲副都大使仍授江陵郡大都督府長史兼御史中丞盛  
王琦宜充廣陵郡大都督府長史仍領江南路及淮南河  
北等路節度採訪都大使依前江陵郡都督府長史劉彙

為之傳以廣陵郡長史李成式為都一作副大使兼御史中

丞豐王珙宜充武威郡大都督仍領河西隴右安西北庭

等路節度採訪都大使以隴西郡太守鄧景山為之傳兼

武威郡都督府長史御史中丞充都副使應須兵馬甲仗

器械糧賜等並於當路自供其諸路本節度採訪度支防

禦等使號王巨等並依前充使其署官屬及本路郡縣官

並各任便自簡擇五品以下任署置訖聞奏六品以下任

便授已後一時間奏其授京官九品以上並先授名聞奏

聽進止其武官折衝以下並賞借緋紫任量功便處分訖

聞奏其有文武奇才隱在林藪宜加辟命量事獎擢於戲

咨爾元子等敬聽朕命謹恭祗敬以見師傅端莊簡道以

灌衆官慈恤惠愛以養百姓忠恕哀敬以折庶獄色不可

犯以臨軍政犯而必恕以納忠規往欽哉無替朕命各頌

所管咸知悉 搜賢詔 隋文帝

日往月來唯天所以運序山鎮川流唯地所以宣氣運序

則寒暑無差宣氣則雲雨有作故能成天地之大德育萬

物而為功况以一人君於四海睹物欲運獨見致治不籍

群才未之有也是以唐堯欽明命羲和以君岳虞舜睿德

升元凱而作相伊尹鼎俎之媵為殷之阿衡呂望漁釣之

夫為周之尚父此則鳴鶴在陰其子必和風雲之從龍虎

賢哲之膺聖明君德不回臣道以正故能通天地之和順

陰陽之序豈不猶元首而有股肱乎自王道衰人風薄君

文苑英華 卷一百一十五 五 成布

上莫能公道以御物為下必踵私法以希時上下相蒙君  
臣義失義失則政乖政乖則人困蓋同德之風難嗣離德  
之軌易追則任者不休休者不任則衆口鑠金戮辱之禍  
不測是以行歌避代辭位灌園卷而可懷黜而無愠放逐  
江湖之上沉赴河海之流所以自潔而不悔者也至於閭  
閻秀異之士鄉曲博雅之儒言足以佐時行足以勵俗遺  
棄於草野堙滅而無聞豈勝道哉所以覽古而歎息者也  
方今區宇一家煙火萬里百姓乂安四夷賓服豈是人功  
寔乃天意朕惟夙夜祗懼將所以上嗣明靈是以小心勵  
已日慎一日以黎元在念憂兆庶未康以庶政為懷慮一  
物失所雖求傳巖莫見幽人徒想崆峒未聞至道唯恐商

歌於長夜抱關於夷門遠迹犬羊之間屈身僕隸隋書本  
記作僮

僕之伍其令州縣搜揚賢哲皆取明知今古通識治亂究

政教之本達禮樂之源不限多少不得不舉限以三旬咸

令進路徵召將送必須以聞隋書作禮仁壽  
三年七月丁卯此詔英華止

載庶政為懷已下而無前段今以隋書本紀增入

舉賢良詔一作搜訪  
才能詔許敬宗

門下高明之天資星辰以麗象博厚之地藉川岳而成形

况於帝王體元立極臨馭萬物字養生民一作靈者乎所以

致治一作政之君遠讒佞近忠良屈已以伸人故能成其治

一作化為亂之主親不肖踈賢臣霍下以恣情用能成其亂

明君遵彼而興國暗主行此而亡身是以朽壤毀於蓮蓬

別行低二拾空

文苑英華

成右



巨竊傷於翠葉蓮蓬墜澗竟無反嶺之期翠葉隨風終無

歸林之望故知亡者難以復生敗者不可重全所以御朽

臨水銘心自戒霄興肝食側席思賢庶欲博訪丘園搜採

英俊弼我王道臻於太平一作可令天下諸州明揚側陋

所部之內不限吏民一作人唐太宗時二名不偏諱高宗

雖諱治詔此又在貞觀間令唐太宗政為化疑是後人追改其有服道栖仁澄心礪操出片

言而標物範備百行以綜人師質高視於琳琅人不間於

曾閱繁志丘園揚名里閭或甄明政術曉達公方稟木鐸

於孔門受金科於鄭相奇謨一作開發明畧可以佐時識

鑒清通備才堪於幹國或含章傑出命世挺生麗藻道文

馳楚澤而方駕鈞深覩奧振梁苑以先鳴業擅專門詞尚

載筆或辯調春園一作談瑩秋天發研機於一言起飛電

於三寸蓋期一作蓄斯奔箭未遂揚廷庭並宜推擢咸同舉薦以

禮將送具狀奏聞限以今冬並與考使同赴燕擬焚林之

舉咸矯翼於巖廊尺木之階方振鱗於遊霧剋心俊又稱

朕意焉主者施行貞觀二年正月六日一作皆唐大詔令

搜揚懷才隱逸等勅

勅立政之本惟賢是切朕祗膺大曆殷鑒遠圖揚于玉庭

生此王國朕之所望久矣豈徵辟為事未極於巖藪而高

尚絕塵見遺於草澤將何以舉逸而勸賁然來思且才之

或偏器罔求備固非藏文之智則尚其言收曲逆之奇則

捐其行過而能改仁遠乎哉天下諸州有懷才隱逸跡弛

不調及失職寬人等並令諸道檢察使傳訪具以名聞副  
朕饑渴之懷庶廣搜揚之義先天二年十一月四日

詔天下搜賢後制

賈至

勅朕聞惟理亂在庶官以先王旁求俊彥思皇多士以倡  
九牧阜成兆人頃者姦臣執權專利冒寵惟正直是醜惟  
邪佞是比壅塞賢路罔蔽天聰使忠臣不得盡其謀才士  
不得展其用廢三載之黜陟寢九德之推擇多有老於郎  
署滯于立園吏稱無人才不給位朕以薄質嗣守大寶寇  
戎未殄王業惟艱詔令兢兢乾乾日慎一日緬惟堯舜求  
賢之意周公吐握之義思欲廣進髦乂輔寧邦家實賴公  
卿大夫弘我視聽易曰方以類聚語曰舉爾所知凡宰相

王臣宜加搜擇其常參官及郡縣長史上佐等皆從歷試  
而踐通榮如各知其密行異能博學深識才堪濟代術可  
利人名不彰聞位不充量湮淪屠釣流落風波者一善可  
錄便宜公舉遠則裁詔令表附驛近則進狀奏聞勿避親  
讐無限儕伍其有獨負奇才未逢知己即仰投匭并所在  
陳狀自論長官登時與奏夫惟詔令薦士非止一舉未為  
恒典有即登聞昔荀桓子立翟之功士伯受瓜衍之邑柳  
下惠賢而不舉臧文仲被竊位之名春秋書之千載不朽  
凡百在位可不勉歟宜宣示中外令知朕意至德二載四月八日

求訪賢良詔

制集

鸞臺上之臨下道莫貴於求賢臣之事君功豈踰於進善

所以允疑庶績式靜群方成大厦之凌雲濟巨川之沃日  
故周稱多士著美風謚漢號得人垂芳竹素歷觀前代罔  
不由茲朕雖宵分輟寢日旰忘食勉思政術不憚劬勞而  
九域之至庶豈一人之獨化必佇材能共成羽翼雖復群  
龍在位振鷺充庭仍恐屠釣或遺邁軸尚隱未殫巖穴之  
美或委丘園之秀所以屢廻旌帛頻遣搜揚推薦之道相  
尋而虛佇之懷未愜未言於此寤寐以之宜令文武官五  
品已上各舉所知其有抱梁棟之才可以丹青神化蘊韜  
鈐之畧可以振耀天威資道德之方可以獎訓風俗踐孝  
友之行可以勸率生靈抱儒素之業可以師範國冑蓄文  
藻之思可以方駕詞人守貞亮之節可以直言無隱履清  
白之操可以守職不渝凡此八科實談三道取人以器求  
才務適所司仍具為限程副朕意焉主者施行

舉賢制

同前

鸞臺朕聞壁月珠星寔為麗天之象蒼波翠岳爰標紀地  
之形是知正位辨方體元建極不憑群彥孰贊皇猷事總  
萬機心覃億兆恒靡違於寢食誠罔憚於憂勤佇賢良則  
終宵失寢一作寐詢政道則竟日停餐豈直未明求衣曷晷  
忘食而已比者屢垂旌帛頻訪丘園雖志切於旁求然未  
逢於俊又待舟航而涉水思羽翼而陵虛今者更啓搜揚  
庶得不遺草澤其有文可以經邦國武可以定邊疆蘊梁  
棟之宏材堪將相之重任無隔士庶具以名聞若舉得其

人必當擢以不次如妄相推薦一作薦耀亦寘科繩所冀多士  
集於隆周得人踰於盛漢布告遐邇知朕意焉

搜訪賢良詔

同前

鸞臺朕聞文武之道憑經緯而開國春秋之功藉生殺而成歲雖復車書混一中黃之雄氣諒存溫煦方滋太白之高星必應事既不昧理乃固然朕自臨御天下憂勞兆庶宵衣佇旦望調東戶之風旰食忘眠希緝南薰之化故得中外禔福遐邇又安控蟠桃於滋穴之墟通細柳於炎洲之域楚鋒越刃俱鑠大農之冶俠客雄兒皆服鴻都之珪今若循其至理任彼無爲則取夫之道有餘止戈之義不足况金方起碁玉河未靜偷安榆鬼之鄉竊險麻奴之地

然而北幽向化已事和親之禮而西環疑作負恩不習用

師之備隨時之義寧可自然當土宇曠脩人物繁富三門

九地之秘豈謝前規白後蒼兕之竒何慙襄烈或英謀冠

代雄畧過人總韓白以先驅掩孫吳而得僑或力能拔距

勇絕蒙輪冒白刃其如歸掃蒼壁而不顧或迹隱鄧肆身

託村閭行雖犯於俗流噐乃堪於拯難或捷如迅電走若

追風鸞孤則七札洞開奔陳則重圍自潰並有思於制命

俱未遇於時湏可令文武內外官五品及七品已上清官

及外官刺史都督等於當管部內即令具舉且十室之邑

忠信尚存三人同行我師猶在會湏搜訪不得稱無薦若

不虛自從褒異之典舉非其士豈漏貶責之科所司明爲

條例布告遠近知朕意焉

籍田制

張九齡

門下案盛所以奉神祇耕籍所以助人力既義率于下而敬在其中是為先農存諸大典故周宣不復於古而魏公致諫漢文能脩其制而班史美談朕自御極以來勤集作咨故實唯是十畝未展三推置神困人降災移歲靡不在此良以憮然今星紀既周土膏將動去農祥而不日考帝籍之以時朕其親耕以實御廩宜令禮官博士詳擇典故有司速即施行

籍田制

前人

門下昔者受命為君體元立極未有不謹於禮而能見於於人朕其庶乎有勲作者方冊存而可舉舊章闕集作絕而復尋自古所行無一而廢將以上乞靈於宗社前篇作社稷蒙福於黎元朕茲精誠天實降鑒今則獻二字前篇作嗣歲初吉農事將起前篇作禮禮有先於耕籍義緣奉於案盛是所嚴祇敢不敬事故躬載耒耜親率公卿以先萬姓遂終千畝謂敦本之為大集作爾可布澤之更深宜有順於發生俾無偏於行惠可大赦天下自開元二十三年正月十八日昧爽已前大辟罪已下罪無輕重已發覺未發覺已結正未結正繫囚見徒咸赦除之其犯十惡死罪不在赦限自餘死罪特宜配流嶺南遠惡處官典犯賊本犯至死貶與嶺南遠惡左降官至流者亦量貶與遠官典配諸軍効力計賊

至徒仍不得重令却上天下諸州損免處地稅先於詔令

秦州百姓有諸色勾徵及逋懸欠負亦宜放免其在官典

及倉督等腹內者不在免限天下色役爰及支用務令節

減并諸州貢賦先令中書門下均融減省宜準前勅速即

條奏損免州稅戶錢未納并七等已上戶租先未處分及

五色資錢課未納灼然不辨者並放至蠶麥秋收已來贖

納損免州逃兵健兒承前訪捉不獲合取籍人充替自資

裝送軍程期逼迫頗亦辛苦並放至蠶麥已後發遣仍令

所司預與軍州計會諸軍征行人並令州縣存恤其行人

有父母年七十已上者委本道採訪使檢責取實牒報本

軍即放還本貫軍司據關數募取健兒充替行人及防丁

有身亡者為造棺槨遞還本處詔令諸州應發遣防下去

本貫一千里已上比來除正課之外給一丁充資多不濟

辦宜更量與資助兩京城內今年所有諸雜夫役並宜免

放應須使役以諸色錢和崔取充農桑是時不得妨奪州

縣長宜倍加勸課孝子順孫義夫節婦旌表門閭鰥寡孀

獨不能自存量加優恤天下侍老百歲已上版授上州刺

史九十中州刺史七十已上上州司馬其九十已上所由

仍量給酒肉各令存問亞獻皇太子鴻賜物二千疋終獻

慶王潭賜物一千疋邠王守禮等各賜物一千疋忠王浚

已下各賜物三百疋夾侍正衣進珪捧珪汝陽郡王淳等

劉目

各賜物二百疋皇太子夾侍正衣等各賜物一百疋裴耀

卿張九齡李林甫自其翊贊誠有忠益頒賞以序等數須

優宜與一子官仍各賜物三百疋二王後各賜物一百疋

長公主公主各與一子官仍各賜物二百疋嗣王郡主縣

主各賜物一百五十疋在京文武官見任及致仕并諸色

陪位官一品賜物八十疋二品七十疋三品六十疋四品

五十疋五品四十疋七品六品三十端詔令改八品九品二

十端詔令改節度使大夫三字詔令三都留守京兆尹各一

百疋四大都督府長史諸道採訪使各八十疋諸賜物應

兩給者從一處給其耕官及待耕官各賜勲兩轉丞相蕭

嵩與一子官仍賜物二百疋攝九卿諸侯等各與一子出

身仍各賜物一百五十疋侍耕執牛官各賜物一百二十

疋昇壇行事官脩禮儀官及刺史判官等更賜一階應入

三品及五品官階相當減四考聽入攝司徒信安郡王禕

禮儀官帝綽既不叙階禕與一子官賜物二百疋綽與一

子出身賜物一百五十疋其昇壇及脩禮儀兩兼者從一

加階應與一子官及出身者若無子聽迴與周親供奉及

押階不昇壇并壇下行事及助耕勒牛官別勅差中書門

下差定人等泛階合入三品五品官階至考未定者待考

定日聽叙非待考者賜勲四轉未承別賜者各賜一等知

頓使賜物一百疋脩壇場長官屯官撰玉冊文官各賜物

捌拾疋書玉冊官賜物五十品管籍田縣令賜物六十疋

劉日

在東京文武官朝集使外官充十道採訪使并判官諸道  
 節度副大使并諸方通表使諸勅使判官新除五品已上  
 官未赴任都城畿縣令見陪位者三品以上轉爵一級四  
 品已下進一階皇親諸親及九廟子孫不入等陪位者并  
 外文武官九品已上各賜勳一轉諸蕃入朝及賀正蕃客  
 應陪位者共賜物五十疋節級分付南北衙行從宿衛齋  
 宮者及文武官押當有職掌并諸色雜職掌并應耕公卿  
 從官等各賜勳一轉萬騎及飛騎見當上者各賜勳一轉  
 其宿衛齋宮者加賜物三段仗內坊侍諸色行從人各賜  
 物三段曠騎番兵角弓手擊手官馬主見至至詔令無當番  
 及留帖人掌閑幕士駕士供膳習馭工人樂人見當有上

職掌并庶人應耕者各賜物三段齋郎禮生贊者行事者  
 並減兩年勞無勞可減者齋郎放出身禮生贊者選日稍  
 優與處分三衛詔令七色見當番并流外行署及蕃官見  
 上有職掌者各勳一轉河南洛陽縣陪位父老各賜物五  
 段近壇百姓各免今年雜差科宗廟致享務在豐潔禮經  
 沿革必本人情邊豆之薦或未能備物服制之紀或有所  
 未通宜令禮官學士詳議具奏朕自臨天下二紀于茲不  
 敢荒寧日加兢惕前篇作日而災眚未彌黎人未康若有  
 由而然則在予之責有能直言極諫者具以狀聞每渴賢  
 良無忘鑿竊頃雖虛佇未副旁求其才有王霸之畧學究  
 天人之際智勇堪將帥之選政能當牧宰之舉者五品已



上清官及將軍

詔命作軍將

都督刺史各舉一人孝悌方田鄉

間推挹者本州長官勘責有才堪應務者各以名聞致仕

又歷清資始終著稱年漸衰邁情有可矜量與改職依前

致仕宗子中有才行著聞比尚沉屈者委宗正勘實奏聞

唐克兩營立功官任折衝並改與郎將郎將改與中郎其

亡官失爵量加收叙五嶽四瀆名山大川及自古聖帝明

王忠臣良相宜令所司

二字集作精潔以禮

致祭赦書有

所未該者所司比類奏聞亡命山澤挾藏軍器百日不首

復罪如初敢以赦前事相言告者以其罪罪之都城內賜

酺三日赦書日行五百里布告遐邇咸使知聞主者施行

前四百三十二卷赦書門有此全篇題作籍田赦今

籍田門所載乃節文自門下至赦天下而止已削前

### 卷錄全文于此

勸農勸農訪民所疾苦詔

沈約 見齊書鬱林王本紀

齊書作則懸磬

門下執招斲蹇則如懸比室秉機或惰則無褐終年非怠

非荒雖曰王道不稂不莠實寄 齊書作賴民和頃歲多稼無麥

遺秉如積而三登之美未臻萬斯之基尚遠且風土異宜

百民舛務刑章治緒未必同源妨本害政事非一揆冕旒

屬念無忘夙興可嚴下州郡務茲 齊書作茲耕殖相畝闢疇廣

開地利深樹國本克阜民天又詢訪獄市傳聽謠俗傷風

損化各以條聞無使瘡痍之苦載與比屋主者詳為科 齊書

條格稱朕意焉 隆昌元年正月

勸農制

類制

勸農爲政本食者人天豐荒相半天之常道陰陽或愆作  
外人則爲弊頃者關輔秦雍月離于畢沿河至海雨澤愆  
期秋穀不登宿麥全少雖令賑給慮未存濟朕視之如子  
繫于一人元元何辜將致捐瘞朕之不德深用耿然宜令  
戶部侍郎馬懷素往河南道少府監源乾曜往河北道安  
撫存問其有不收麥處量與賑恤令及秋收仍與牧宰等  
勸課黍稌及粟穀使得支繼應有蕃役非灼然要者宜委  
使人量事停減訖奏聞公私不急之務及事有不便於時  
皆須節省以拯饑乏至於冤滯不申刑獄不理亦委使人  
隨事處分百姓間有奇才異行藏器抱璞委棄草澤婆娑  
州里者官人內或貪殘有聲但從私室或循默自守無益  
公家者還日各具名聞奏所至分明告示務加優養稱朕  
意焉

校正一百三十八字

閏月十七日

文苑英華卷第四百六十二

文苑英華卷第四百六十三

翰林制詔四十四

詔勅五

改革

改尚書洪範無頰字為陂勅

孫逖

門下典謨既作雖曰不刊文字或訛豈必相襲朕聽政之暇乙夜觀書匪徒閱於微言實欲暢於精理每讀尚書洪範至無偏無陂頰遵王之義三復茲句常有所疑據其下文並皆協韻唯頰一字實則不倫又周易泰卦中无平不陂釋文云陂字亦有頰音陂而謂之與頰訓誥無別為陂則亦會意為頰則聲不成文應由煨燼之餘編簡墜缺傳授之際差舛相沿原始要終須有刊革朕雖先覺兼訪諸儒

僉以為然終非獨斷其尚書洪範無偏無頗字宜改為陂  
庶使先儒之義去彼膏肓後學之徒正其魚魯仍宣示國  
學主者施行

改正朔制一作改元

制集

朕聞上元

一作元

皇纂曆則天地以裁規大聖握圖法陰陽以

施化故能宰籠品類陶鑄生靈敷景運於休期闡宏基於  
光大昔有隋失馭率土分崩赤縣為禾黍之場蒼生遇塗  
炭之酷我高祖神堯皇帝龍興汾晉鳳起寰區殄梟獍而  
安八荒翦鯨鯢而清四海太宗文武聖皇帝膺昊穹之曆  
敷鼓雷電之雄威服遠冠巢燧之前開邊越義農之際鴻  
名邁於三五茂績隆於往初高宗天皇大帝稟雷澤之禎

符降天縱之神器湛恩所被匝乾坤覆載之鄉至化所覃

盡舟車所通之境撫璇玑極輯瑞蒼嚴天平地成淳風啓

千年之運樂和禮備寶祚隆三聖之基逖聽王猷熙開帝

載朕以虛薄處奉獻圖業業兢兢不遑寢食幸穹昊貽祐

宗社延祥河薦合天之符洛出永昌之錄時和歲稔遠肅

邇安斯皆先德所延屢彰嘉况自恭臨北庭一作億北已積炎

涼尚想移風未臻於至道顧循菲德媿切於深衷思弘顧

託之恩再闡混元之始夫以玄穹列象三辰以之一作麗

天厚載含章五行於焉紀地芴曰三五以變錯綜其數通

其變遂成天下之文極其數遂定天下之象水火相變其

卦為革彖曰天地革而四時成言五德更相生變革萬象

一作物故帝者改正施教明受之於天不定之於人者也仲

尼曰其或繼周者雖百世可知也蓋以文質相因法度相

改故矣是以伏羲高陽有周皆以建子之月為正神農少

昊陶唐有殷皆以建丑之月為正軒轅高辛夏后漢氏皆

以建寅之月為止後雖百代可知者以此雖遭遇之不同

步驟殊致未有不表明軌物以章靈命之符者也我國家

創業常有意乎正朔矣所未改者蓋有由焉高祖創草百

度因循隋氏太宗締地經天日不暇給高宗嗣曆將弘不

訓改作之事屢發聖謨言猶在耳末懷無及自五帝續統

三王馭宇或父子相承同體異德或金木迭改應天順人

故納麓登庸粵受終于文祖干戈革命必理曆於明時然

則開元配末肇自陽來之且統曆履端基于朔易之首肇

萌發內氣律由中品物一作彙任而昭蘇生類蕩而敷華是

知夏之人統不逮殷之地正殷之地正有劣周之天統元

命所苞實在茲矣周文稽古制禮於成王之且漢高握德

改元於武皇之代則知文制物大備未遑於上業損益之道

諒屬於中平朕所以遵飾禮經奉成先志今推三統之次

國家得天統當以建子之月為正考之群藝厥義明矣宜

以求昌元年十有一月為載初元年正月十有二日改臘

月來年正月改為一月自載初元年正月一日子時已前

大辟罪已下罪無輕重已發覺未發覺已結正未結正繫

囚見徒皆赦除之其謀反大逆緣及子孫殺祖父母父母

部曲容女奴婢殺主不在赦限其與敬業虺坤并諸虺友  
往還其魁首並已伏誅其支黨事未發者並特從原免不  
得更相言告內外見任文武九品已上職事官並賜古爵  
之級天下百歲已上老人板授下州刺史米粟五石帛十  
疋一作段九十已上板授上州司馬米粟四石帛七段八十  
已上板授縣令通懸調并丁夫雜匠衛士及有番地等遠  
番及逃走應陪番及徵課調者並特宜放免其欠負物官  
料及盜詐三庫物並不在赦限孤寡憊疾篤疾等不能存  
立者量加賑恤孝子順孫義夫節婦旌表門閭終身勿事  
天下百姓年二十一身為戶頭者各賜古爵之級女子百  
戶賜以牛酒明堂役工人未被恩及者付司即類例定等

級奏聞十五日內使了緣供明堂致死人其有未霑勲賜  
者亦宜準例酬給今年來不熟處及遭霜澇之處並量放  
庸課州縣好加檢校勿使饑饉新年軍差科百姓稍有辛  
苦亦宜量加優恤蠲其徭役所司類例處分供豫州軍百  
姓艱辛處未得復者宜給復一年洛州輦轂徭役繁多代  
朔并忻等州行軍及諸州供明堂未及銅處所司各類例  
節級給復皇親諸陪位未出身者量才處分已出身者賜  
勲一轉富商大賈衣服過制喪葬奢侈損費生業州縣相  
知捉搦兩京兼委金吾檢校天下百姓皆須嫁娶以時勿  
使外有曠夫內有寡女戰亡人格外贈勲兩轉迴授碁親  
其子孤憊者州縣給糧安養征鎮人家口州縣存恤勸課

殷有之家助其營種勿使外人侵欺仍令所司刊正禮樂  
刪定律令格式不便於時者內外官五品已上各舉所知

九經文字俱學士詳正革其訛舛亡官失爵量加叙錄長

流人別勅流人移貫人降授官人及後緣逆人用當特詔

無特及造罪過特處分者雖未至前所並不在赦限西府

功臣及晉府子孫屈滯者量加收叙所司奏聞亡命山澤

挾藏軍器百日不首復罪如初敢以赦前事相告言者以

其罪罪之率七之內賜酺三日赦書日行五百里朕又聞

之人必有名者所以吐情自紀尊事天人是故以甲以乙

成湯為子孫之制有類有象申繻明德義之由朕今懷柔

百神對揚上帝三靈眷祐萬國來庭宜膺正名之典式敷

行政之躅宜朕以武之少切為名自卦演龍圖文開鳥跡

萬人以察百工以又所以弘敷正道宣明禮樂指事會意

改易異途轉注象形屈伸殊制周宣博雅史籀與古篆之

文尼父温良立明述春秋之傳自諸侯力爭姬室浸微離

為二周分成七國法律異令田疇異畝言語異聲衣冠異

制秦兼天下刻滅古文隸率屢興兵車歲動官獄繁鰲爰

創隸書自著秦文肇興八體刻符兼於大篆模印逮於爰

書兩漢因之九千餘字張敞杜鄴講學於前楊雄甄豐校

理於後魏晉以降代之名儒穿鑿多門形聲轉謬結造新

字附會其情今古訛舛稍益繁布規畫無端平之體魚鳥

增奔放之容轉相效倣日滋月甚遂使後生學徒罔知所

舉先王載籍從此湮沉言念流滴情深憫悼思反上皇之  
 化佇移季葉之風但習俗多時良難頓改特創制一十二  
 字率先百辟上有依於古體下有改於新文庶保可久之  
 基方表還淳之意昔在包羲開木德之運軒轅應土行之  
 序循環終始布在方冊莫不績著帝猷功宣皇道方列三  
 微之統乃膺五行之曆雖則盛比共玉強踰羸政齊桓晉  
 文之業大彭豕帚之美纔為霸者豈登帝錄自炎精蕩覆  
 王風哀思漢氏蒙塵中原離析當途逆取但肆兵威典午  
 專權無聞德化故三方鼎峙五胡幅裂或道乖嗣德或業  
 匪孫謀良由取之不以樂推失之在乎虐用者也及齊梁  
 竊據僻在江淮周魏勃興菴宅咸洛雖變夷從夏號令唯  
 行於境內而智小謀大聲教不通於天下隋文御極陳氏  
 猶存開皇之申纔聞混一嗣主失道俄至分崩七八年間  
 生人泯絕秦項之酷猶未之半開闢已來蓋未之有我國  
 家祖宗積德文武重光仁風被於四表英猷冠于三代易  
 不云乎天地之道恒久而不易者也仲尼曰善人為邦百  
 年可以勝殘去殺則知聖王久於其道而天下化成矣自  
 魏至隋年將四百稱皇僭帝數十餘家莫不廢王道而立  
 私權先詐力而後仁義勲未踰於列國德不慙一作漸於霸  
 圖雖復時合諸侯一匡區域晉武踐祚茂烈多慙於水官  
 隋帝乘時雄圖不逮於秦氏惟彼二君閏位况區區者豈  
 宜當三統之數者乎朕逖聽皇綱幽求帝典定王霸之真



偽洗生人之耳目庶叶三權一作之美光宣五帝常一作之

次况合宮布政景化惟新太初開曆上元伊始宜以發揮

大寶申明曆數恢皇家正土之符繼炎漢真火之序摘之

罔極垂之無窮以周漢之後為二王仍封舜禹成湯之裔

為三恪所司求其苗裔即加封建其周隋宜同列國封其

嗣使主祭焉布告遐邇咸知朕意主者施行載初元年正月一日

一作皆唐大詔令改尚書省中書門下省九寺十二

衛名及官稱號改正朔改錢文字錢斤兩詳審刪定

申理冤屈

減大理丞廢刑部獄制一作改元光宅赦制集

鸞臺朕聞上皇建極體元氣以育群生大聖承天法開

而陶庶類與時舒卷叶三正而推移隨道汗隆應五幹以

通變故能牢籠宇宙埏植人靈符景運而財成契休期以

光宅昔有隋標季率土淪胥豺狼肆吞噬之災億兆被屢

劉之酷高祖神堯皇帝披圖汾水仗鉞參墟廓氛棧而安

四維掃撓搶而清六合太宗文武皇帝負日月而膺運哉

雷霆而震威蕩海夷山功決八荒之外救焚拯溺仁靈萬

域之表樂和禮洽天平地成茂績光於邃初鴻名冠於開

闢高宗天皇大帝雲房誕睿虹渚降靈受綠錯之禎符應

朱紉之景命飛車乘毳臣軒頊之不臣沒羽浮金賚禹湯

之未賚開邊服遠更闡寓於先基富國寧人重增輝於前

烈撫璇當宁調玉氣於明堂考瑞升天朝百神於日觀茫

...

改尚書省以不為下制題目

茫衆俗寧知覆燾之恩蠢蠢庶萌孰辨陶甄之力固已千  
年啓旦三聖重光歷選前書無聞往載豈謂道隆金鏡運  
迫鼎湖方延翠渚之祥遽托白雲之駕以社稷之大任屬  
荒恥之微躬欽奉遺言載深悲懼遂以茲菲德開導嗣聖  
式綜萬機載宣風化所賴王公卿士各竭迺誠若濟巨川  
實憑舟楫然自恭臨朝序已積炎涼教靡致於移風道尚  
慙於變俗良以哀迷在疚荼棘纏身一作心陵廟未安匪遑  
專慮今者鳳京遙踐龍馭上升既因大禮之終宜更中區  
之始朕母臨赤縣求瘼之志每盈子育蒼生恤隱之懷鎮  
切惟欲勵精爲政克已化人使宗社固北辰之安區寓致  
南風之泰以斯酬眷命用此報先恩冀上不負於尊一作下

徵申於至懇夫五行迭一作用列代相承欲崇其德先遵

所尚故夏以金運乘驪而尚玄周以木行貴駢而尚赤將

隆毋德必欲子扶近者地不藏珍山無祕寶皇家土一作

德勝氣彌彰宜崇白賁之象以輔黃中之運自今以後旗

幟皆從金色仍飾之以紫畫以雜文其應合改者所司詳

依典故供奉帷幔咸用紫色自錄府衛所旗並改以皂八

品以下舊服青者並改以碧其在京諸司文官職事五品

以上清官并六品七品清官並每日入朝之時常服袴褶

諸州縣長官在公衙亦準此自餘官朔望朝參皆依舊其

色皆依本品又鎮星之在太微已歷年載者上精之美應

表坤祚之元符宜同成帝以時薦享又東都宜改爲神都

宮名太初宮但列署分司各因時而立號建官置職咸適  
事以標名而今曹僚之中稱謂多爽宜改尚書省為文昌  
臺左僕射為文昌左相右僕射為文昌右相吏部尚書為  
天官尚書戶部尚書為地官尚書禮部尚書為春官尚書  
兵部尚書為夏官尚書刑部尚書為秋官尚書工部尚書  
為冬官尚書門下省改為鸞臺中書省改為鳳閣侍中改  
為納言中書令改為內史太常寺改為司禮寺鴻臚寺改  
為司賓寺宗正寺改為司屬寺光祿寺改為司膳寺太府  
寺改為司府寺太僕寺改為司僕寺衛尉寺改為司尉寺  
大理寺改為司刑寺農寺依舊左右衛亦依舊左右驍衛  
為左右武衛左右武衛為左右鷹揚衛左右威衛為左右

豹韜衛左右領軍衛為左右玉鈐衛左右金吾衛依舊其  
餘曹司及官寮名未改者所司速制名奏聞又司隸之官  
監郡之職所以巡省風俗制舉行愆違今人物殷繁區寓遐  
曠而所在州縣未能澄肅可置右肅政御史臺一司其職  
員一準御史臺專諸州按察其舊御史臺改為左肅政御  
史臺專知在京百司及監諸軍旅并出使其諸州錄事參  
軍宜依舊仍令在京五品已上清官每日於章善顯福等  
門各一人待詔朕當親訪正道詳求得失又玄元皇一無皇字  
帝者皇室之源韞道德而無為冠靈仙而不測業光衆妙  
仁覃庶品豈使寶胤見御宸居先母竟無尊位可上尊號  
曰先天太后宜於老君廟所敬立尊像以申誠薦又洛州

九城苑...  
九

境內所有帝王之陵及自古清直之臣忠廉之佐並令州縣就其塋域一申祭享又自武德以來元勳佐命或以忠鯁事主或以道德匡君非身在有犯緣子孫絕封者前詔雖已處分或尚有關遺宜降霽澤重申前命又往日先朝聖武蕩定遐方日月照臨咸為郡縣皆荷生成之惠無復遠近之殊朕矜撫之懷豈隔中外每念其歿嗣愍愴良深繼絕興亡實惟本志宜各求其後胤立以承嗣一作享獻其諸都護漢官及鎮兵等並悉放還其營奉山陵使及鹵簿使等並依別勅處分又兩京之所徃賦寔繁亦令所司作優量法使勞逸得所靈駕所涉千里斯遙在路黎氓一作莫不哀奉念其勞弊情增感惻其緣供頓及山陵者並免令

牟課稅又比來諸道軍行叙勲多濫或端居不出以貨買勲真偽相蒙深為巨蠹自今以後所司宜明為條例務令禁斷責成斯在可不勉歟如更有違必越法科處分又比來放出宮女已降詔書然以在內多時咸悉願住但念其各有親屬豈可久致分離宜準前恩即令放出夫隆平日久戶口滋多物務既繁欺隱斯衆其上州萬戶已上大縣萬戶已上各宜折出別置州縣唯雍涼二州不在此限又濟時之道求賢是務其官人百姓等或器標瑚璉材堪棟幹或在職清慎或抱德幽棲或武藝馳名或文藻流譽宜令京官九品已上及諸州長官各舉一人咸以名薦務取得賢之實無貽濫次之譏又前者有詔具述內外官寮備

文書

陳行事以申勸沮仍恐百官在職尚有虧違今欲重降霽一作恩更垂寬宥棄瑕錄用罔責於前非滌罪論功必期於後善若又不悛已過重挂踈羅當使寘以嚴刑倍加其罰思與士庶共此維新可大赦天下改文明元年為光宅元年自九月五日昧爽已前大辟罪以下罪無輕重已發覺未發覺已結正未結正見繫囚徒皆赦除之流人未達前所者放還其犯十惡官人在法受財監臨主守自盜所監臨劫賊殺人故殺人謀殺人及反逆緣坐并軍將臨戎挫威失律鎮遏失所虧損師徒及常赦所不原免者並不在此赦例亡官失爵量加收叙諸年八十已上各賜粟二石綿帛一段九十已上各賜粟三石綿帛三段百歲已上賜

粟五石綿帛五段並依舊例板授孝子順孫義夫節婦旌

一作表門閭鰥寡惇獨篤疾之徒不能自存者並加賑恤

亡命山澤挾藏軍器百日不首復罪如初敢以赦前事相

告言者以其罪罪之布告天下咸使知聞其詔書內事有

未盡仍令所司作條例處分光宅元年九月五日一作皆唐大詔令

興復 神龍開創制一作中宗即位制 制集

門下聞天地盈虛四時有消息之度皇王興替五運有遷

革之期稱號斯殊驪駟亦異受明命者罔不由茲我大唐

高祖神堯皇帝聖期首出天與神器有大功於區夏有大

造於生靈太宗文皇帝聖皇帝道則繼明業推構極類商湯

之起毫若姬發之承周彈壓九皇牢籠萬古高宗天皇大

興復為門類標點  
別為一行

帝上聖御圖大明司契手調元氣心運洪爐齊五緯而平

太階應三神而登日觀羅網開闢包冠義存大猷備闡能

事斯畢僊駕不追逆臣聞疑作開釁敬業挺災於淮甸務挺

潛應於沙場天柱將搖地維方繞非撥亂之神功不能定

人之危矣則天大聖皇帝重聰成德濬哲應期用初九之

英謀開太一之宏略振玉鈴而殪封豕受金鉞而斬長鯨

受河洛之圖書當昊穹之曆數惠育黎獻並登仁壽既而

疑懷問道屬想無爲以大寶爲勞生遂復忝於明辟且有

後命俾承先緒光啓大唐之國用崇興復之基交際在辰

情深感愴一作慰一作奉高祖之宗廟尊太宗之社稷不失舊物

寔在於茲業既惟新事宜更始可改大周爲唐社稷宗廟

陵寢郊祀禮樂行運旗幟服色天地等字臺閣官名一事

以上並依永淳已前故事其神都依舊爲東都北都依舊

爲并州大都督府永昌來庭兩縣並從省廢其百姓依舊

分屬河南洛陽兩縣周朝宗廟陵寢及官宜令所司商量

處分朕之遠系出自老君靈祐所資貽慶長久宜依舊上

尊號爲玄元皇帝省司差使冊告天下村落佛堂並令開

門洒掃不得因茲聚斂創加脩葺庠序之規風教之首京

都兩學尚且闕脩欲令四方何以取則其京都學館及先

聖廟堂所有破壞未營造者逐要脩葺速令畢工仍不得

浪有勞擾樂府之設國風所繫豈惟易俗抑乃和神至若

絲竹繁聲倡優雜伎深乖禮則並宜量事減省國之禮儀

文苑英華卷之四十四

已經改撰隨時逐變務在弘通宜令禮官重加詳審於行  
事有不便者即從損益脩制一作制刪定處分已久宜從易  
簡務速施行分事設官固須量才稱職比來委任稍亦乖  
方遂使鞠獄推囚不專法寺撰文修史豈任秘書營造無  
取於作專勾勘罕從於比部各多差別使又著判官在於本  
司便是曠位並須循名責實不得越守侵官皇家親屬籍  
沒者則天大聖皇帝雖已溥暢鴻恩其有任五品已上官  
枉遭陷害者並宜改葬式遵禮典若有後嗣還其蔭資其  
別勅安置并在貶者亦復其籍屬量還官爵仍遣諸流移  
人除犯贓賄及畜蠱毒造偽避讐言反逆緣坐勘會不免者  
餘並放還天下軍鎮不要者多轉輸艱辛府庫虛耗事須

改弊不可循常宜簡內外官人有材識者分遣充遺邊  
按覆須留鎮遏及應減一事已上並委使人其所管詳度  
還日具利害奏聞其應支兵先取當土反側近人仍隨地  
配割分州定數年滿差替各出本州末為格例不得踰越  
五品已上致仕曾伏事先朝有賜爵一級曾任州府幕府  
及任洛州牧日官人並勘責奏聞經任東宮官僚見任六  
品官計階應入五品官者特宜不拘年限餘依常例三衛  
細引主帥直司行署番官七絕等通前各減二年勞考滿  
日各加勳一轉合得官日稍優與處分中書門下官人計  
階考入五品者優量令改番官準羽林例處分直者及外  
司官典三十二日誅賊之時緣抵承在中書省者各賜勳

一轉諸司有品直司宜加一階無品直司賜勳一轉禮官  
緣即位脩執儀注者各賜物二十段正月當蕃三衛監門  
等於武成衙內明福門外南衙及諸門者賜物十段左右  
羽林及東宮北門厨供膳及匠準例各賜物十段正月量  
追三衛細引監門細引直長飛騎雜伎飛騎各賜物十段  
東宮北門官及三衛細引監門直長各賜物二十段仍類  
例功夫多少奏聞其引玉冊及舉冊讀冊等官人各賜物  
五十段授冊使人賜物一百段書冊人各賜物十段其舉  
腰與官人賜物二十段飛騎各賜物十五段其舉香燈三  
衛及舉寶人各賜物二十段頃者戶口逃亡良田差科繁  
劇非軍國切要者並量事停減若要和市和顧權先依  
付錢自非省支勒索不得輒有進送諸貢物皆須任土嘗  
處無者不得別求仍於常數每事量減緣百姓間所有不  
穩便者並委州府具狀奏聞朕當親覽即為釐革天下百  
姓並免今年租及地稅自今以後租庸準符配定更不須  
徵折腳錢其已前未徵得者亦即放免天下宗姓並準舊  
式房州百姓宜給復三年其諸司官員并雜色役掌閑幕  
士門僕之徒兼音聲人及丁匠等非灼然要籍並量事減  
省所司速為條例廐馬數多皆須秣秣飼食人之粟日費滋  
深殿中諸閑廐馬量支留以外抽送外州馬坊及本監牧  
其東宮諸王公主等馬應官供者亦令隨事減省奢淫伎  
巧實為蠹弊皆因節日宗屬婚親諸王公主詔令作王競



相賀遺或造珍麗妄為進奉錦綵異飾雕鏤奇文假撰樓臺偽裝禽獸諸如此類深是害時宜明勅格嚴加禁斷衣服綵章一準令式夫鄒纓齊服尚且變俗移風朕率先百僚必期化成兆庶東都正月當上番兵年至五十五即放出前赦及今制處分有不盡者並令所司類例續奏布告遐邇咸使知聞主者施行

神龍元年二月五日

復尚書省故事制

制集

勅唐虞之際內有百揆庶政惟和至于宗周六卿分職以倡九牧書曰龍作納言帝命惟允詩云仲山甫王之喉舌皆尚書之任也雖西漢以二府分理東京以三公惣務至於領錄天下之綱練覈萬事之要邦國善否出納之由莫不處正於會府也今僕以綜詳朝政丞郎以彌綸國典法天地而正四叙配星辰而統五行元元本本於是乎在九卿之職亦中臺之輔助小大之政多所關决自王室多難一紀于茲東征西伐略無寧歲內外荐費徵求調發皆迫於國計切於軍期率以權便裁之新書從事且救當時之急殊非致理之道今外虞既平罔不率俾天意人事表裏相符將明畫一之法大布惟新之令甄陶化源去末歸本魏晉有度支尚書校計軍國之用國朝但以郎官署領辦集有餘時艱之後方立使額叅佐既衆簿書轉還將無弘益又失事體其度支使及關內河東山南西道劔南東川西川轉運常平鹽鐵等使宜停禮儀之本職在奉常往年

置使因循未改有乖舊制實曠司存委太常卿自舉本職  
其使宜停漢朝丞相與公卿已下五日一決事帝親斷可  
否且國之安危不獨注於將相政之理亂固亦在於庶官  
尚書侍郎左右丞及九卿叅領要重朕所親倚固當朝夕  
相見以之匡益也頃以邊陲未寧日不給暇又省寺之務  
多有所分簡而無事曠而不接今大舉綱目重頒憲章並  
宜詳校所掌明徵典故一一條具面陳損益如非時須有  
奏議亦聽詣閣請對當親覽其意擇善而從朕受昊天之  
成命承累聖之鴻業齋心滌慮夙夜憂勞顧以不敏不明  
薄於德化致使舊章多廢至理未弘其心愧恥終食三歎  
雖詔書屢下以申振恤而朝典未舉猶深鬱悼思與百僚

卿士勵精於理俾國經王道可舉而行各宜承式以恭爾

位大曆五年三月

校四八十二字

閏月十二日

文苑英華卷第四百六十三

文苑英華卷第四百六十四

翰林制詔四十五

詔勅六

廢置

置乾封明堂縣制

制集

東臺元天著象於紫微厚地區域於赤縣外崇四岳伊帝  
 闡其宏規旁別九州玄王邵其丕績所以料茲物土畫野  
 分疆相彼人事觀時濟俗開物成務理則由然高祖皇帝  
 誕膺靈命肇開景業括囊軒頊孕育胥庭太宗文皇帝大  
 聖登期自天縱哲撲崑岑之猛燎拯滄海之飛流巍巍蕩  
 蕩無德而名朕以虛薄夙奉瑤圖承累德之洪猷履會昌  
 之嘉運中外禩福遠邇乂安仰薦成功升煙岱巘緬惟嚴

配祗建合宮感事開元聿光先德俾我黎獻永賴隆平寧  
濟之方寔資寬簡鑒寐凝想思致厥塗以為翼翼上京率  
土攸仰翦華抗堞貫渭疏瀾城闕崇嚴都邑夷敞戶口盈  
積市獄殷繁東西兩縣官曹尚少在於撫字事或難周至  
于辭訟綜理時闕湏分所職各使兼濟其長安縣宜置軋  
封縣萬年縣拆所置明堂縣並於京城內近南安置其戶口  
即於兩縣逐便割隸應湏官寮并公廨等一事以上并準  
長安萬年兩縣各令所司處分奏聞庶使憂勤之懷獨映  
於前古建元之慶長垂於後葉摠章元年十一月二十二日

置鴻宜鼎稷等州制

集制

鸞臺朕聞先王疆理天下也莫不料其土宇相其地宜分

五服以應財成宅三川而適通變辨方樹辟協和之道以  
隆置郡罷侯經始之圖載遠而區分或異制度罕同連率  
法於在鎬牧守儀於起沛官稀則政毀地狹則人勞義在  
隨時期於致乂我大周席蘿闡化夢梓登期通三授玄扈  
之濱得一升翠媯之汭春秋合成圖曰黃帝遊玄扈洛上云云又河圖擬佐輔曰黃帝齋七日  
日至翠媯之川云維嵩設險聳危峯於少室在河稱防導云並見藝文類聚  
洪波於太史卜茲洛食是曰奧區物產孔殷形勝斯在朕  
仰膺瞻命俯叶時雍詔令作樂推 即瀍澗之基恢鼎革之運珍  
符寶賁賁發郊藪佳氣榮光昭煥川澤建明堂而陟配立  
清廟以嚴禋方闡隆周之業以光卜年之兆况成王定鼎  
此則餘基永言朝貢實歸中壤是霜露之所均當水陸之

交會庶齊勞逸無隔遐邇通作制王畿雖憲章於故實緬惟  
帝邑未折衷於新規宜弘自我之典式廣來蘇之澤但京  
兆之地舊號秦中廼瞻編昨最為繁殖一州獨治事多擁  
滯宜令雍州管內批置五州其間於雍州以西安置潼關  
即宜廢省然以千里之內舊制通畿征賦所出事資廣遠  
又王侯設險以固其國若無襟帶何以為守雍州并所批  
州同州太州並通入畿內洛州南面東面北面仍各置關  
庶幾食菜之家詔令作地自分湯沐之邑棄縑之客更從軒蓋  
之遊其雍州舊管及同太等州土狹人稠營種辛苦有情  
願何神都編貫者宜聽仍給復三年百姓無田業者任其  
所欲即各差清強官押領并許將家口自隨便以次

水次 量給船乘作般次進發至都分付洛州受領支配

安置訖申司錄奏聞人惟邦本本固邦寧將以不肅而

成既庶而富欲令率土黔黎咸得遂性勞求安措一作人

不廢詔令作失業其有諸州人或先緣饑歲流宕忘歸或父兄

去官因循寄住為籍貫屬恐陷刑名在苒多時未經首出

衛士雜色人等並限百日內首盡任於神都及畿內懷鄭

汴許汝等州附貫給復一年復滿便依本蕃上下其官人

百姓有情願於洛懷等七州附貫者亦聽應須交割及發

遣受領並委本貫共新附州分明計會不得因茲隱漏戶

口虛蠲賦役并新柁五州三面及雍州以西置關處所司

具為條例務從省便奏聞天授二年七月九日

廢潼關雍洛州置開鄭汴許衛等州府制詔令作以鄭汴

等州為王畿制

制集

鸞臺朕聞上圖列宿垂七紀而環紫微下科物土制八紘而尊赤縣是以帝猷方盛開甸服於平陽王業肇基創神郊於景毫雖政或沿革道有汗隆強幹弱枝率由茲典用能體國經野阜詔令作濟俗安人法天險之崇高顯宸居之壯觀朕膺詔令作應此符命大庇黎元俯順謳歌君臨區夏紹隆周之睿業因丕洛之鴻基相彼土中實惟新邑五方入貢兼水陸之詔令作而駿奔六氣運行均霜露而調序山川形勝祥祉荐臻遠竊軋心近收眈欲式建宗社大啓神都知王者之無外明在德之可久自夏殷分七列爵爰及秦漢

置守罷侯所以東姬握圖王畿存千里之制西京御歷帝里據三輔之饒否泰既殊損益且異務歸於適物義尚於隨時朕以鼎業惟初寶祚伊始斟酌今古申畫封疆征賦科徭寔資寬簡沃壻勞逸宜有平分緬懷習武之規載隆辨方之術可以洛東鄭州汴州南汝州許州西陝州虢州北懷州澤州潞州東北衛州西北蒲州為王畿內鄭州汴州許州可置八府汝州可置二府衛州可置五府別兵皆一千五百人所司詳依格格式明為條例庶使固本之道轡轡於前脩足兵之義牢籠於振古主者施行天授二年四月二十九日却置潼關制

集制見唐大詔令

鸞臺山河作固肇自往圖關梁是脩抑惟前典朕情存太

朴志在無外成臯姬陝勿用咽喉函谷秦封解其襟帶欲  
使鴈行靡拾鶉居不擾而毗俗澆弊浮惰者多非所以禁  
絕末遊作限中外事資權變理貴從宜便可率由舊章安  
置應須脩補及官典兵防一事以上所司速準例處分其  
神都四面應須置關之處宜令檢校文昌虞部郎中王玄  
珪即往檢行詳擇要害務在省功斟酌古今必令折衷還  
日具圖樣奏聞聖曆元年五月十九日

置勞州都督府制

制集見唐大詔今

朕聞舜干戚者所以懷荒遠固城池者所以款戎夷我國  
家頃有營州茲為膚障使北戎不敢窺覘東蕃由其輯睦  
者久矣自趙翹失於鎮靜蕃部因地北攜離頗有負塗之怨

旋聞改邑之歎高墉填塹故里為墟言念於此每思開復  
達奚饒樂郡王李大酺賜婚來朝已納呼韓之拜契丹松  
漠郡王李失活遣子入侍彌嘉柁侯之節咸申懇請朕所  
難為宜恢遠圖用光舊業其營州都督宜依舊於柳城置  
置北都制

制集

經邦創制建都設險必因時順人統物立極我國家以神  
武聖德應天受命龍躍晉水鳳翔太原建萬代之模為億  
兆之主猶成湯之居亳有一作周之興岐顧朕一作眇身  
纂承昌運守宗社一作祖宗之大寶恢中原之鴻業叶時卜狩  
始經此一作都事本因心情兼惟舊近者嘉一作禎祥荐至  
休瑞屢臻此皆宗祐一作社降靈神祇潛暨豈予匪一作伊菲德

獨享厥休昔堯理唐郊式建丹陵之地漢居洛邑更表南陽之都今王業所興宮觀猶在列於邊郡情所未安非所以恢大聖之鴻規展孝思之誠敬其并州宜置北都改州為太原府刺史為尹司馬為少尹太原晉陽為赤縣諸縣為畿縣官吏品第視 京河南府 開元十一年正月 一作唐大詔令

條理

詳定刑名制

詔令作頒行新曆詔

制集

門下朕聞大德曰生肖天地而為貴大寶曰位體宸極以居貞所以經緯三才彌綸萬物順人心以敷化因天討而立刑易稱明罰哀矜之志愈遠書云肆青簡惠之道斯崇故能象服畫冠化隆上葉道德齊禮刑清中代暨乎大道

僿隱淳風已衰元首司契徇驕奢以臨下股肱贊道用深刻為奉公罪名積於簡書茲章被於率土姬訓夏法峻網備於三千秦革周科深文加於九族漢祖約法後嗣不勝其弊晉武蠲刑末流竟致 一作 其酷遂使茫茫區寓囹圄行所以寔繁蠢蠢黔黎手足為之無措自斯以降禁網愈密難深袁準之書事切劉弘之奏太宗文皇帝至道難名玄功不測撥亂反正恤獄慎刑社澆弊之餘源削繁苛之峻法道臻刑措二十餘年恥格之義斯隆惻隱之懷猶切王几遺訓重令刊改瞻奉隆規興言感咽朕以虛寡夙嗣寶圖寅畏上玄憂勤庶類乘奔履薄懼一物之未安盱眙宵衣慮萬方之多罪雖解網之德有慙列聖而好生之惠無



魏伊心於是仰遵先旨旁求故實詔太尉揚州都督監脩國史上柱國趙國公無忌開府儀同三司上柱國英國公勣尚書左僕射監脩國史上柱國燕國公志寧尚書右僕射監脩國史上護軍北平縣開國公行成光祿大夫侍中監脩國史上護軍禧縣開國公高季輔銀青光祿大夫行黃門侍郎平昌縣開國公宇文節中書侍郎柳奭右丞段寶玄太常少卿令狐德棻吏部侍郎高敬言刑部侍郎劉燕客給事中趙文恪中書舍人孝友益少府丞張行實大理丞元紹太府丞王文端刑部郎中賈敏行等爰建朝賢詳定法律酌前王之令典考列辟之舊章適其輕重之宜採其寬猛之要使夫畫一之制簡而易從約法之文詔令

疎而不漏再移朞月方乃撰詔令作始勒成宜班下普天垂之來葉庶設而不犯均被皇恩詔令作均凡在群司詔令作臣逮于列岳其務在審慎稱朕意焉永徽二年閏九月十四日

刑定刑書制

詔令作頒行新令制

制集

門下蓋大帝臨下覆燾之德彰焉聖人在上財成之跡著焉然則統天理運微政令不能通其道經國訓人非渙汗無以宣其化故羲爰演繇后以施命誥四方虞典記言帝乃敷文備九域豈惟適人振鐸理存乎闡教象闕懸書義在於垂法雖時分步驟必脩詔令作循先甲之規代變驪駟無革達名之軌既而淳源已往澆風漸扇姦冗於是萌生譎詐以之颺起相彼群俗頗乖於信義顧之庶尹罕嗣於忠

勤尺一交馳徒有書亭之弊五條間出猶招掛壁之譏非  
所謂光闡帝圖作為人極者也由此綠綈爰降尤慎於繁  
冗黃素所施彌崇於曉諭皇家創業抑揚前古粵在貞觀  
大啓憲章浹聲教於幽遐燭文明於區宇鴻池衍誥統理  
詳密螭鈕騰文規模弘遠固以貽厥將來懸諸日月朕祗  
肅鴻業恭臨寶位握千載之禎符承百王之末緒凝神閑  
館託軒夢以憂人深誦康衢用堯心而拯物然以萬機事  
摠恐聽覽之或遺四海務殷慮緩緝之多闕南宮故事綜  
覆已殫內史舊章搜羅殆盡自御宸扆一作居每懷冰谷身  
雖處於巖廊情實係於億兆比者在外州府數陳表疏京  
下諸司亦多奏請朕以為帝命多緒範圍之旨載弘王言

如經彌綸之道斯洽前後處分因事立文歲序既淹條流  
遂積覽之者滋惑行之者愈詔令怠但政貴有恒詞務體  
要道廣則難備事簡則易從故自永徽已來詔勅摠令沙  
汰詳稽得失甄別異同原始要終捐華襍實其在俗非  
便事縱省而悉除於時適宜文雖繁而必錄隨義刪定類  
別詔令作區分上稟先規下齊庶政導生靈之耳目闢風

化之戶牖俾夫施之萬祀周知訓夏之方布之八埏共識  
司南之路仍令所司編次具為卷秩施行此外並停自今  
已後諸有表奏事非要切並準勅令各申所司可頒示普  
天使知朕意主者施行儀鳳元年十月五日

定刑法制

詔令作頒行律令格式制

制集

門下朕聞唐虞膺錄畫象而人知禁夏商御圖設刑而罪  
不息周秦以降沿革罕同漢魏而還條流浸廣雖或輕或  
重一弛一張義在於訓人事期於肅物然則刑辟勿用見  
稱於昔典法令滋章貽譏於前誓朕情在愛育志切哀矜  
踈網恢恢實素懷之所尚苛政察察良夙心之所鄙方翼  
化致無爲業先刑措近見所司進律令格式一一自觀至  
於經國成務之規訓俗懲違之範萬目咸舉一事無遺但  
能奉以周旋守而勿失自可懸諸日月播之黎庶何事不  
理何化不成先聖憂勤萬務遺念庶績或慮須有弛張所  
以汎令刪定今旣網維備舉法制弘通理在不刊義歸無  
改豈可更有異同別加撰削必年月久遠於時用不便當

廣延群議與公卿等謀之今未有疑無容措筆其先律令  
格式之本宜早先布凡厥在職務須遵奉輒造異端妄喻  
軌躅者咸禁除之庶用刑符於畫一守法在於無二內外  
察案知朕意焉

文明元年四月二十二日

### 申理冤屈制

### 制集

門下大帝降鑒無幽不燭下人上訴在屈必伸將使處巖  
廊者戶牖絕千里之蔽

詔令作送

御億兆者門庭無九重之隔

故堯推心以撫俗業濟天下湯克己以察冤惠乎海內朕

祗膺寶曆

詔令作曆嗣

寅奉璇圖常居安以戒危每在得而思

失慮一夫之弗獲憂萬方之有罪以爲承平旣久區寓至  
曠州邑相望衆庶殷阜事繁則詐起法弊則姦生念茲冤

滯載懷惻隱是以頻發詔書庶幾息訟比命申理未副朕  
懷百姓雖事披論官司不能正斷及於三司陳訴不為究  
尋向省告言又却付州縣至有財物相侵婚田交爭或為  
判官受屬有理者不申或以按主取錢合得者被奪或積  
嫌累載橫誣非罪或肆忿一朝枉加殺害或頻經行陣竟  
無優賞或不當矢石便獲勲庸改換文簿更相替奪或於  
所部憑情織作少付絲麻多收絹布或營造器物耕事田  
疇役郎伍功崔無半直又境內市買無所畏憚虛立錢價  
抑取貴物實貪利以侵人乃據估以防罪或進退丁戶等  
色多有請求或解補省佐之流專納賄賂或徵科賦役差  
點兵防無錢則貧弱先行詔令有作行貨則富強獲免亦

有邢邑臺詔令有作行容其請造或酒食交往或妻子去還假  
託威恩公行侵暴凡如此事固非一緒經歷臺省往來州  
縣動淹年歲曾無與奪欲使元元何所控告見在京訴訟  
宜令朝散大夫守御史中丞崔謚朝散大夫守給事中劉  
景先朝請即守中書舍人裴敬彝等於南牙門下外省共  
理冤屈屬戶所有訴訟隨狀為其勘當有理者速即奏聞  
無理亦語發遣其有虛相構架浪擾官方若更處分喧訴  
不絕者宜即科決使知懲厲仍限今年十二月內使了其  
在外州縣所有訴訟冤滯文案見未斷絕者並令常處速  
為盡理勘斷務使甘伏勿使淹滯若處斷不平所司糾察  
得實者所由官人隨即科賦一條作布告遐邇使知朕意主

者施行儀鳳二年十一月十三日

省獄官制詔令作減大理丞廢秋官獄勅

制集

鸞臺崇德簡刑列辟之彙範併官省事有國之良圖聖人  
執契以乘時道苞乾大善政改絃而馭俗義叶鼎新朕度  
荷先基恭臨下土運一心之淺慮憂四海之群生馭朽載  
兢踐水惟惕幸賴九玄垂裕七廟宣靈天地以清風雨咸  
若菽粟登稔疆徼無虞茂祉日繁殊禎歲集蒼昊穹之睠  
命順億兆之誠祈蒼璧靈壇展嚴禋於上帝黃金秘牒追  
顯號於前王大典聿申鴻符允暢斯實祖宗之遐慶函夏  
之多福豈朕虛薄能臻此乎但萬歲初元肇開昌曆九章  
恒憲甫釋嚴科遠近無縲絏之冤老幼有歌謠之樂人皆

遷善政在惟新丹筆刑官已絕理梧之聽黃沙獄戶將爲  
鞠草之場而法禁之曹案察斯衆司刑一局便有八丞既  
罕囚徒靜無推案豈煩多士虛習夏書宜減二負俾從他  
職文昌國府建禮天闈廢政是歸具察攸仰諒青縑之美  
地非頽服之攸居雖復時有申讞頗斯聽斷兩造之文必  
具五詞之理亦窮詎彼徃牢方甄枉直先臺置獄甚謂非  
宜今欲揔撒踈羅寧可別施囹圄其秋官獄即宜除毀朕  
既深居秘宇不能徧覽綿區惟伏時賢共康天下州縣牧  
宰寄重親人僚守勾曹任惟綱紀百姓或有愆犯必須盡  
理推尋審知罪狀分明方可禁身科斷不得纒聞小過遽  
繫園扉高下其心同叔魚之鬻獄輕重其等爽定國之平

刑黠吏從姦恣其乾沒要囚多滯積以炎涼有一干茲當  
加貶譴幸悉心而慎罰同底績以勝殘佇弘勿辟之規用  
闡無為之化將使三千之罪未絕於當年豈惟數百之刑  
僅寬於昔代布告天下識朕意焉萬歲登豐元年十月十二日

申寬制

制集

門下九重嚴邃非叫闈之可聞萬邦遐曠因表疏而方達  
朕尊居黃屋乃心詔令作蒼生微物不安每切納隍之慮  
一人失業更軫宵衣之懷思欲下情上通無令壅隔所以  
明四聰者也其官人百姓等有冤滯未申或獄訟失職或  
賢才不舉或獻納詔令作謀猷如此之流任其投匭凡百  
士庶宜識朕懷神龍元年二月二十七日 校正八十字  
閏七月十二日

卷終

文苑英華卷第四百六十五

詔勅七

戒厲官寮制

蘇頌

門下法之所設本以懲非令之必行期於禁止致理為要  
何莫由斯至如官典受贓國有常法承前雖有處分在外  
多未遵奉且不戒視成爲暴不令而罰爲重豈合容之日  
詔令久將訓導之未明歟朕情存畫一過欲不貳恐愚人  
作自詔令陷罪莫識隄防姦吏徇私自嬰微纆永言於此明發興懷  
今日已前既往不咎今日詔令已後有犯必繩朕不食  
言爾無荒怠所以勤勤懇懇預戒百官詔令者蓋以罰  
止罰可不慎哉告示遐邇令知朕意主者施行先天二年九月七日

每日聽政勉勵百寮勅

前人

勅三春布和萬物資始而去冬無雪以迄于今將何以敬授人時欽若天道豈政有所缺將教有不明致茲亢旱深用祗惕堯舜以百姓為心禹湯以萬方罪已朕雖薄德匪敢違寧自今以後每日聽政思弘道理俾康庶績至於日旰忘食未明求衣惟懷求圖朕之志也凡百在位可不勉

歟開元四年正月七日

命新除牧守面辭勅

前人

勅自古帝王莫能獨理爰樹侯伯所以分政則今刺史之詔令無謂矣蓋欲亭之毒之納於富壽不夭不札以致和

平朕受天眷命作人父母殷鑒遠圖罔知攸濟頃者都督刺史惟良是求而寂寥厥聲孰副虛想豈六條察舉未詢事以考言將三載黜陟不責實而求當遂令進之則易吏煩於送迎退之則難人務於苟且豈所謂安孤老長子孫之意邪漢宣由是興言劉廣為之長歎誠有旨也今事謀伊始邦政惟新俾凝庶績思改前弊自今已後都督刺史每欲赴任皆引面辭朕當親與疇咨用觀方略到任之後宜待四考滿隨事褒貶與之改轉諸州上佐五品已上應改轉限亦宜准此夫類其才則適用久其事則有恒致用執恒未聞不致於理也詔令咨爾在位可弗勉哉先天二年二月十四日

誠百寮與供奉人交通制

內制

勅朕聞事君者必在至公行已者貴於獨立如聞供奉近侍之輩比日因循一作皆廣有招携未能周慎爰與朝列頗相闡茸苟非親表不合數至門庭多行請託便涉趨附眷言此弊湏革前非宜體朕懷深自戒勵自今已後百官輒不得與入內供奉人往還

誠勵御史制

內制

勅御史之職邦憲是司先正其身始可行事當湏舉直錯枉不避親讎糾慝繩違務存公正如聞愆過陰自鼓動不即彈射自樹私恩詔令作恩私曾無忌憚仍有請託將何以寄之鷹隼用屏豺狼如此當官深負所委自今以後不得更然

誠勵兵吏部侍郎及南曹郎官制

孫逖

勅銓綜之司名器所屬苟虧審慎必有姦濫及今按詰其數頗多馬有害群罪雖在於胥吏龜之毀牘過亦由於主守其御史中丞楊慎矜所奏前後知銓侍郎及南曹郎官等忝効職司不能舉察合投嚴譴用肅慢官猶以久踐朝班夙昭人譽過其能改必在增脩特宜寬宥俾自懲警

誠勵吏部兵部禮部掌選知舉官等勅 前人

勅官邪則敗國賞僭則利淫自昔至言政之明誠朕祗膺大寶豈忘兢業臨馭已來且踰二紀期大道之成化冀天下之為公凡百卿士豈不協力而選舉之司委任尤重若名器失序則勸沮何施近者流外銓曹頗多淪濫有塵清



議實紊尋章胥吏之徒雖則微賤仕進之路終為厥初必  
澄源流無雜涇渭不慎於細其傷則多小既不可不懲大  
亦不可不誠其吏部兵部禮部掌選知舉等官各宜飭勵  
當盡至公必湏杜邪枉之門絕請託之路何止一變仍圖  
永清且銓綜九流必仗賢俊取諸賞鑒立斷可知何至淹  
時至稽團奏開聞之後餘甲未終既滯官曹長茲罪過舊  
選未畢新格復修此乃因循實為煩弊自今以後吏部選  
入三月三十日已前團奏事畢兵部二月內畢其流外銓  
及武舉專委郎官恐不詳悉其為取捨適表公憑每至留  
放之時皆就尚書侍郎對定既而上下檢察庶在得人而覆  
車尚在殷鑒非遠法不可廢官識朕懷

誠勵兵吏部兩司勅

前人

勅設官分職將以奉法禁非實是在上下叶心中外一德共  
熙庶績用絕姦源如聞百司頗皆寬縱遂令胥吏得以挾  
私近者兵部令吏因令推鞠或在選曹增減之狀雖小人  
之過則惟其常永言在官亦為踈略朕今申之寬宥許以  
自新庶觀將來冀能効節至如詔令兵吏兩司是掌衡鏡  
進趨者非一揆姦巧者亦百端推而言之或所未免無謂  
幽昧朕皆察焉各宜盡心靖恭爾位

誠勵風俗

誠勵風俗勅四首

制集

勅建立州縣列監官司所以導俗宣風懲姦息暴頃以承

平既久中外晏安人懷弛慢之心官無警覺之意遂使緩  
宋二州屢奏亂常之黨荆并兩府頻言構逆之徒發露雖  
復數州包藏猶慮未絕此等妖孽尋自伏誅旬日之間驚  
害良善誠按察寬縱禁止不明或使無辜陷於非命與言  
及此深用惻隱詔令作自今以後在州縣官寮各宜用心  
檢校或惰於農業專事末遊或妄說妖訛潛懷聚結或棄  
其井邑逋竄外州或自銜醫工詔令誘惑愚昧諸如此色  
觸類旁求咸須防糾勿許藏匿又屬當首夏務在田蠶雖  
則各解趨時亦資官府敦勸若能肅清所部人無犯法田  
疇墾闢家有餘糧所由官人宜加考第功狀尤異者別加  
外擢若為政苛濫戶口流移盜發罕能自擒逆謀為外意

所告輕者年終貶考甚者非時解替御史及臺郎出使審  
加訪察各以狀聞宜宣示諸州各令所在知悉文明元年四月十三日

二

門下朕克績丕業誕膺景命憲章昔典欽若前王克已勵  
精緬思至道宵衣旰食勤脩庶政夙夜寅畏匪遑底寧若  
涉泉氷罔知攸濟頃屬殷憂啓運多難與邦禮義意載戴復品  
物咸乂思欲致萬姓於仁壽歸六合於昇平末言政途庶  
幾沿革猶恐學校多闕賢俊罕登牧宰不存政理農桑未  
加勸導樽俎之儀不習冠婚之禮莫脩朕所以當寧興歎  
載懷兢惕者矣庠序者風化之本人倫之先仰州縣勸導  
知禮節每年貢明經進士不須限數貴在得人先賢廟及

州縣學即令脩理春秋釋菜使敦講誦之風天下有竒才  
異行沈伏不能自達及官人百姓有能極言時政得失者  
並令本州責狀封進鄉飲禮廢爲日已久尊德尚齒弘益  
極深宜令諸州每年遵行鄉飲之禮令有勸慕王公卿士  
務存訓獎子弟成立則有冠婚婚禮糟粕或存冠禮久爲  
廢闕自今以後並行冠義責以成人之道使知負荷之難  
食爲人天農爲政本綏撫萌庶勸課農桑牧宰之政莫過  
乎此刺史縣令有課最尤異委廉察使名聞當別加甄擢  
縣令字人之本明經爲政之先不稍優異無以勸獎縣令  
考滿考詞使狀有清字無負犯明經及第常選每至選時  
量加優當若屬停選並聽赴集真如設教理歸清淨黃老

垂範道在希微僧尼道士女官之流並令修習真寂嚴持  
戒行不得假託功德擾亂閭閻令州縣嚴加檢察私度之  
色即宜禁斷諸州縣官有不因選序別犯贓賄非時除受  
官等皆依倚形勢恣行侵剝如有此色仰州長官錄事叅  
軍速勘責奏聞訖宜停務待進止仍委吏部兵部速勘責  
處分諸州百姓多有逃亡良由州縣長官撫字失所或住  
居側近虛作破除或逃在他州橫徵隣保逃人田宅因被  
賤賣宜令州縣招携復業其逃人田宅不得輒容賣買其  
地任依鄉源詔令作原例租納州縣倉不得令租地人代出租  
課寺觀廣占田地及水碾磴侵損百姓宜令本州長官檢  
括依令式以外及官人百姓將莊田宅舍布施者在京並

令司農卿即收外州給貧下課戶凡此數事咸宜區分繫乎風俗義存獎勸刺史縣令等各申明舊章勉思撫輯罷凋弊之務歸淳厚之源訓導黎蒸宣我朝化書不云乎德惟善政政在養人布告天下咸知朕意

唐隆元年七月十九日

通鑿唐隆元年七月庚戌朔二十日己巳改元景

雲詔今只作十九日是矣英華於十九日之上添

二字恐非

三

黃門朕聞天為大者莫先於育物物最靈者莫甚於愛人故樹之后王以康兆庶朕緬鑒前列深惟遠圖懼德之不脩化之未偃寅畏夙夜如臨泉壑然則疇咨命於四岳

職存乎三載既以百姓為心明非一人獨理今之牧守古

稱侯伯賢者任之則循良之迹若不賢者任之則愁苦之

聲作每冀精於所擇委之詔令往豈時或頽靡苟且尚

多而吏之殊尤寂寥不嗣靜言政要朕用撫然間歲水旱

周於郡國倉廩不蓄閭閻荐飢加以出攝頗多冗官增弊

至於處置皆憑刺舉當於京官內簡宏才通識堪致理興

化者量授都督刺史等久在外藩頗有昇進狀者量授京

官使出入常均末為恒式課最超等必議昇遷循默守常

必裁貶黜昭昭賞罰不可不慎屬冬朝禮成春事方起朝

集使等俾還所蒞欽若朕言官寮問或幹濟清苦或貪濫

侵漁灼然稱職及不稱職並委都督刺史審察奏聞罔或

文苑英華 卷之五 陸雪

阿容自貽悔咎諸道雖遣使存問尚切憂勞牧宰等深體  
朕懷各宜隱恤交至乏絕者速量事優當公私債負停徵  
至秋州縣差科務減常日昔國僑相鄰以至和平曹叅相  
齊貴於清靜清靜則不擾不擾則和平和平則不爭不爭  
則知耻愛費而與休息除煩而從簡易自當農者歸隴  
蠶者勤紡績既富而教乃克有成道德齊禮不遠斯復庶  
幾在位弘朕此心凡厥遐邇各令委悉王者施行開元二  
年正月

四

勅國家祖武宗文重熙累洽克清寰極大庇生人玄德獨  
化與乾元而資始至道無名合詔令帝先而首出自削平

區宇混一車書六合晏然百有餘載則我文武之業有大  
造於生靈朕嗣守丕運纂成鴻緒恐不敷弘前烈光闡睿  
圖夙夜祗畏若臨泉谷曷嘗不恭默思道寤寐勤政從人  
之欲每以百姓爲心屈已之勞常矜一物失所且夫法久  
而弊法弊則通制國以立法爲先教人以地著爲事自屬  
清晏人多媮怠國章或弛曠僞寔繁今正朔所及封疆無  
外雖戶口且增而租賦不益莫不輕去鄉邑共爲浮惰或  
豪人成其泉藪或姦吏爲其詔令囊橐遺亡積歲流靈日  
滋雖朕之薄德罪則在予亦官無其政吏不守法耳今欲  
去其末而歸其本閑其邪而正其德使法有所立人知嚮  
方是用恤孤窮逸逋貸式廣自新之路俾申莫厚之恩

禁制

禁斷錦繡珠玉制詔令

蘇頌

勅朕聞召公曰弗作無益害有益孔子曰奢則不遜儉則固斯乃聖人詔令之至言矣叔代遷訛僻王驕縱惟崇詔令

作類於王盃象筋不務於捐金抵璧好之者君也習之者

人也即用疋帛服長纓之類歟朕爰在幼冲每期質朴手

未曾持珠玉目未嘗觀錦繡碩言其志造次不忘自寅奉

體圖勉康政道常想漢文衣紵之德晉武焚裘之事竟未

能令行禁止敦本棄末朕甚懼之今王侯勳戚下洎厮養

所得者重於遠所求者貴於異至雕文刻鏤衣純履絲習

俗相誇殊塗競爽有妨於政無補於時豈朕言之不明教

之未篤也且一夫一女不耕不織則天下有受其飢寒者

令四方晏如而百姓不足豈不以尚於珠玉珍於錦繡墾

田疇而奪其務出布帛而害其功歟其珠玉錦繡等自今

以後切令禁斷如更循舊弊並歸罪長官仍令御史金吾

嚴加捉搦州牧縣宰勸督農桑待至秋收課其貯積使人

知禮節俗登仁壽有司仍為條例稱朕意焉開元二年七月三日

斷珠玉等制詔令作焚珠玉錦繡勅

內制

勅朕聞珠王者饑不可食寒不可衣故漢文云彫文刻鏤

傷農事錦繡纂組害女功農事傷則饑之本女功害則寒

之源又賈生有言曰夫人一日不再食則饑終歲不制衣

則寒饑寒切體慈母不能保其子君焉得以有其人哉朕

則寒饑寒切體慈母不能保其子君焉得以有其人哉朕

以耿身託于王公之上曷嘗不日盱忘食未明求衣思使

返朴還淳家給人足而倉廩未實饑饉相仍水旱或愆糟

糠不厭靜思厥故皆朕之咎致有漿酒藿肉玉食錦衣互

相夸尚浸成風俗夫令之所施惟行不惟反人之所化詔

作化從行詔令不從言是以古先哲王以身率下如風之

靡何俗不易此事近有處分當以施行朕若躬服珠玉自

玩玩錦繡而欲公卿節儉黎庶敦朴是使揚湯止沸涉海無

濡不可得也是知文質之風自上而始朕欲捐金抵玉正

本澄源所有服御金銀器物今付所詔令司作有令鑄為錠仍

別置掌以供軍國珠王之貨無益於時並即焚於殿前用

絕浮競至誠所感期於動天况於凡百有違朕命其宮掖

之內后妃以下皆服澣濯之衣未除珠翠之飾當使金土

同價風俗大行日用不知克臻至道布告遐邇知朕意焉

開元二年七月

### 禁斷女樂勅

蘇頌

勅朕聞樂者起於心心者動於物物不正則不可為樂樂

不和則不能理人况天生黎蒸區別男女外則導之以禮

中則由之以樂苟或不臧孰云致理自有隋頽靡庶政彫

弊詔令徵聲徧於鄭衛銜色矜於燕趙廣場角抵長袖從

風聚而觀之浸以為俗此所以戎王奪志夫子遂行也朕

方大變澆訛用清涵蠹眷茲女樂事切驕淫傷風害政莫

斯為甚既違令式尤宜禁斷自今以後不得更然仍令御

史金吾嚴加捉搦如有犯者先罪長官務令杜絕以稱朕

意開元二年八月七日

禁斷大酺廣費勅

前人

勅禮存寧儉書戒無益約費嗇財為國之本至如賜酺合

宴正欲與人同歡廣為聚歛固非取樂之意况目徇於奢

是不誠也心勞於偽是不經也殷鑒于此良增詔令惓然

自今以詔令後兩京及天下大酺詔令所作山車旱船

結綵樓閣寶車等無用之物並宜禁斷先天二年八月二十五日

禁斷妖訛等勅

前人

勅釋氏汲引本歸正法仁王護持先去邪道失其宗旨乃

殷若之罪人成其詭恠豈涅盤之信士不存懲革遂廢津

梁眷彼愚蒙相陷坑穽彼有白衣長髮假託彌勒下生因

為妖訛廣集徒侶稱解禪觀妄說災祥或別作小經詐云

佛說或輒畜弟子號為和尚多不婚娶眩惑閭閻觸類寔

繁蠹政為甚刺史縣令職在親人拙於撫馭是生姦宄自

今以後宜嚴加捉搦仍令按察使採訪如州縣不能覺察

所由長官並量狀貶降開元三年十一月十七日

禁斷臘月乞寒勅

前人

勅臘月乞寒外蕃所出漸漬成俗因循已久至使乘肥衣

輕競矜胡服閭城溢陌深玷華風朕思革頽弊返於淳朴

書不云乎不作無益害有益功乃成不貴異物賤用物人

乃足况妨於政要敗詔令取非作茶禮經習而行之將何以訓



自今以詔令後即宜禁斷開元二年十月七日

勅詔令天文圖識制詔令

常衮

勅天文著象職在於疇人識緯不經靈深於疑眾盖有國之禁非私家所藏雖裨竄明微子產尚推之人事王彤必驗景略猶寘於刑典况動涉詔令訛謬率皆詔令矯誣者乎故聖人以經籍之義資理化之本仄言曲學實紊大猷去左道之亂政俾彛倫而攸叙自四方多故一紀于茲或有妄庸輒陳休咎假造符命私習星曆共肆窮鄉之辯相傳委巷之談飾詐詔令多端順非而澤熒惑州縣誑誤閭閻懷挾邪妄詔令莫逾於此其玄象器物詔令天文圖書讖書七曜曆太一雷公式等準法官人百姓等私家

並不合輒有自今以詔令後宜令天下諸州府切加唐書

禁斷各委本道觀察節度等使與刺史縣令嚴加捉搦仍令分明榜示鄉村要路并勒隣伍遞相為保如先有藏畜者限勅到十日內齎送官司委本州刺史等對眾焚毀如限外隱藏有人糾告者其藏隱人先決杖一百仍禁身聞奏其糾告人先有官及無官者每告得一人超資授正員官其不願任官者給賞錢伍百貫文仍取當處官錢三日內分付訖具狀聞奏告得兩人已上累酬官賞其州府長史縣令本判官等不得捉搦委本道使具名彈奏當重科貶兩京委御史臺切加訪察聞奏準前處分咨爾方面勳臣洎十連庶尹罔不誠亮王室簡于朕心無近愆詔令

人慎乃有位端本靜末其誠之哉  
大曆二年正月癸酉

閏月十二日抱素書屋閣竟校正三十七字沈未記

文苑英華 卷一百一十五